



UNIVERSITÄTS-  
BIBLIOTHEK  
PADERBORN

## **Crisis Theologica**

**Cárdenes, Juan de**

**Sevilla, 1687**

Cap. I. Proponitur propositio quarta, & investigatur sensus illius?

---

[urn:nbn:de:hbz:466:1-75689](#)

## DISSERTATIO V.

*An infidelis excusat à peccato infidelitatis, dum Religio Catholica sibi proponitur ut probabilior, & sua secta ut minus probabilis?*

## CAPVT I.

*Proponitur propositione quarta, & investigatur sensus illius?*

## SUMMARIUM.

*Opinio Lumbierij circa sensum propositionis damnatae. n. 2.*

*Opinio Filguera de sensu eiusdem propositionis. n. 3.*

*Item opinio Bernardi de Hozes. Ibid.*

*Non datur in infidei vera probabilitas*

*de sua secta, sed solum apparentia. n. 4.*

*Verus sensus propositionis damnatae. n. 5.*

1. **P**ropositio quarta inter damnatas ab Innocentio XI. hac est. *Ab infidelitate excusat infidelis non credens duetus opinione minus probabili.* Et ut sensus huius propositionis damnatae examinetur, & sana doctrina teneatur iuxta mentem Romanæ Cathedræ, opera pretium est discutere, quem sensum illi propositioni attribuant scriptores, qui eiusmodi propositiones damnatas expuerunt.

Lumb. 2. Igitur Raymundus Lumbier tom. 3. Sum. Hispaniae in expositione quartæ propositionis num. 1766. ait, damnatam manere opinionem, quæ docet, non sufficere notitiam probabiliorem de veritate Fidei Catholicae, ut infidelis maneat obligatus ad credendum; arque adeo ex mente Romanæ Cathedræ infidelis, eo ipso quod sibi proponatur ut probabili-

doctrina Ecclesiæ Catholicæ, tenetur præcepto credendi veritates Catholicas. Quando autem ipse dixit alibi, requiri evidentiam credibilitatis mysteriorum Fidei Catholicæ, adhoc ut infidelis teneatur præcepto credendi mysteria eiusdem Fidei; explicat, per evidentiam credibilitatis, se intelligere evidentiam maioris probabilitatis, & ex hoc capite affirmat, suam sententiam non subiacere huic damnationi. Sed existimo, & ut certum mihi persuadeo, hunc non esse sensum propositionis damnatae, iuxta mentem Romanæ Cathedræ; ut mox videbimus.

3. Emmanuel de Filguera in ex-  
positione huius quartæ propositionis in  
fine illius affirmat, infidelem neque  
ex probabili, neque ex probabiliore  
opinione posse credere, aut elicere  
actum fidei? Et si inquiras, quomodo  
non excusat à peccato infidelitatis,  
dum habet opinionem probabiliorem  
de veritate Fidei Catholicæ; respon-  
det, ideo non excusari, E quia myste-  
ria Fidei sunt evidenter credibilia; sie-  
que intellectus evidente credibiliitate  
obiecti ita dicitur ad assensum, ut  
prudenter nequeat dubitare, aut for-  
midare de illius veritate. ] quasi pec-  
catū infidelitatis detur tunc in infidei,  
quia cum obiectum sit evidenter credi-  
bile, infidelis habet solum cognitionē  
probabilem, aut probabiliorem. Sed  
revera non attingit scopum, ut ex di-  
cendis constabit.

Mag. Hozes in explicat. prop. 4: *Hozes.*  
n. 5. & 8. aliam subivit semitam. Af-  
ficit enim, vbi infidelis habet maiorem  
probabilitatem de Fide Catholicæ,  
quam de sua secta, licet non possit cre-  
dere Fide supernaturali cum sola op-  
inione probabili; tenetur tamen des-  
tere suam infidelitatem, & implere  
præceptum negativum, quod obligat  
sempiter, & pro semper, & consistit in  
eo, quod quis non habeat assensum  
contrarium Fidei; non tamen tenetur  
statim ad eliciendum actum positivum  
Fidei,

## PROPOSITIO IV.

241

Fidei, quia iste non componitur cum nem minus probabilem de non peccato; ita in præcepto credendi veritatem Fidei Catholice excusabitur infidelis à peccato infidelitatis, si habeat opinionem minus probabilem ( scilicet probabilitate apparente ) de credibilitate sectæ erroneæ.

4. Supponimus autem dari non posse, etiam in infideli veram probabilitatem de veritate sectæ erroneous: quia contra certitudinem nulla potest dari vera probabilitas. Nam, ut dixi in 3. part. Cris. Theol. disp. 55. num. 2. assensus probabilis est incertus, id est, nec certus, nec certo falsus: & propositionis certæ contradictoria est certo falsa. Si ergo daretur assensus vere probabilis de propositione contradictoria veritatis Fidei, quæ certa est, esset certo falsus & non certo falsus: certo falsus, quia contradictoria, quæ opponitur propositioni certæ, est certo falsa; non certo falsus, quia probabilis, de cuius essentia est esse nec certum, nec certo falsum. Vide in 1. part. Cris. Theolog. disp. 4. num. 6. Probabilitas ergo, quam concedimus in infideli circa veritates Fidei, & errores sectæ, est solum apprens: quatenus id, quod certum, aut certo falsum est, illi proponitur ut verisimile, & probabile: vel quia non attendit ad rationes evidentes; vel quia nescit ponderare evidentiā illarum.

5. Igitur nullo meliori modo possimus indagare sensum huius quartæ propositionis damnatae, quam ex verbis Authoris, qui eam propositionem asseruit, nempe Ioannis Sancti, in selectis disp. 19. num. 7. vbi sic disserit. [ Sicut in alijs materijs, vbi offensa mortalis intercedere posset, factentur ipsi, eam non committi ab operante ex opinione minus probabili, licet res maximi momenti sit, Deum offendere mortaliter, vel non; sic quoque ab infidelitate excusabitur infidelis nō credens dūctus ex opinione minus probabili.] Hucusque Ioann. Sacius. Itaque sensus propositionis est quod sicut in alijs materijs, & præceptis excusatur homo à peccato, si sequatur opinio-

nem minus probabilem de non peccato; ita in præcepto credendi veritatem Fidei Catholice excusabitur infidelis à peccato infidelitatis, si habeat opinionem minus probabilem ( scilicet probabilitate apparente ) de credibilitate sectæ erroneous.

## CAPVT II.

*Legitima probatio falsitatis eius propositionis damnatae.*

### SUMMARIUM.

*Discrimen, quod datur inter probabilitatem, que versatur in infideli circa mysteria Fidei, & eam, que datur in materijs moralibus. n. 6.*

*Probabilitas, que datur in infideli circa mysteria Fidei includit ignorantiam vincibilem. n. 7.*

*Qui habet ignorantiam vincibilem de præcepto tenetur conari certitudinem, vel sequi strictiorem partem. n. 8.*

*Ignorantia, que invenitur in opinionibus moralibus, est invincibilis. n. 9.*

*Quomodo infidelis possit præstare maiorem diligentiam, ut perveniat ad certitudinem? n. 10.*

*Dum infidelis præstat debitam diligentiam pro invenienda certitudine, non peccat. n. 11.*

*Quomodo infidelis non excusat à peccato infidelitatis propter opinionem minus probabilem? n. 14.*

*An in aliquo casu infidelis habeat probabilitatem circa mysteria Fidei cum ignorantia invincibili? n. 15. & seqq.*

*Obiectio solvitur. n. 20. & 21.*

*Licet in fidelis habeat maiorem probabilitatem de sua secta, adhuc non excusat à peccato infidelitatis. n. 22.*